

« tous les Conseillers en la chambre du Conseil, eux pré-
 « sens, dict et commanda au dict supplient que il se délibé-
 « de penser, cogiter et travailler pour, et à la réception de
 « la nostre Roine; et par commandement et requeste ex-
 « presse, une fois, deux fois et plus, fust dict dès lors au dict
 « supplient, tantôt besoigner. Lequel, non présomptueux,
 « mais comme ardent et affectueux, accepta et print le com-
 « mandement agréable, qui n'estoit pas petite affaire, et dès
 « lors commença à chercher, inventer et enquérir pour four-
 » nir à icelle entrée, qui fust le commencement de la dicte
 « charge, quatre jours après les Roys; quant à sa per-
 « sonne, il continua, par grand travail d'entendement, jusques
 « à ce qu'il présenta, en papier, les ystoires painctes, et leur
 « déclaira l'intencion que luy et les desputez à ce, avoient in-
 « ventez. Ce faict, luy fust ordonné prendre la charge de tout
 « mettre, distribuer argent et desniers, et ordonner gens en
 « euvre de toutes pars. Oultre, luy fust dit au dict Conseil :
 « *Jehan de Paris, nous nous fions en vous, et tout nostre*
 « *honneur gist sur vous; nous le vous remectons et vous*
 « *promectons que nous vous contenterons bien.* »

« Ces paroles oyez (ouies), le dict supplient print cuer au
 « ventre. Jasoit ce que, alors, estoit fort patibulé pour la toute
 « charge, et luy tout seul, tant de conduire, ordonner, mettre
 « gens en euvre; d'aler sur le Rosne, en Bourgneuf, plus aux
 « Cordeliers, puis à l'ostel de la ville, et tous les jours près
 « de XXV personnes à respondre de heure en heure; « faictes
 « cecy, faictes celà, » puis payer, puis escrire, puis penser
 « et regarder se tout yroit bien, et de tout, luy tout seul, tenir
 « compte. — Or, a tant le dict supplient continué et travaillé
 « que la chose a esté exécutée et mise à fin deue, au moins
 « mal qu'il a pu. Alors, désirant tout l'honneur de la ville
 « plus que le sien prouffit, — *car là où est volonté lucrative,*
 « *désir, l'honneur n'a lieu;* mesmement le jour de l'entrée,